

**TUZLANSKI KANTON**  
**Ministarstvo za boračka pitanja**  
**T U Z L A**

Na osnovu člana 21. Zakona o dopunskim pravima branitelja i članova njihovih obitelji ("Službene novine Tuzlanskog kantona", broj: 3/07,4/08, 9/08,13/09 i 8/10), člana 9. Odluke o utvrđivanju uslova, kriterija i postupka za dodjelu stipendija izuzetno uspješnim studentima i učenicima iz reda braniteljske populacije, broj: 02/1-41-27817-2/11 od 20.12.2011. godine i Odluke o terminu raspisivanja konkursa, broj 15/1-41-27817-3/11 od 21.12.2011. godine, Ministarstvo za boračka pitanja Tuzlanskog kantona objavljuje

**K O N K U R S**

**za dodjelu stipendija izuzetno uspješnim redovnim studentima / studentima za vlastite potrebe i učenicima iz reda braniteljske populacije Tuzlanskog kantona za 2011/2012 godinu**

**I Korisnici prava po ovom Konkursu**

Pravo na dodjelu stipendija po ovom Konkursu imaju lica iz člana 21. Zakona o dopunskim pravima branitelja i članova njihovih porodica ("Službene novine Tuzlanskog kantona", broj: 03/07, 4/08 9/08 i 8/10, u daljem tekstu: Zakon), ukoliko imaju status redovnog studenta / studenta za vlastite potrebe, odnosno redovno pohađaju srednju školu, i to kako slijedi: dijete poginulog, umrlog i nestalog branioca, ratni vojni invalid, dobitnik ratnog priznanja i odlikovanja, demobilisani branilac, dijete ratnog vojnog invalida, dijete dobitnika ratnog priznanja i odlikovanja idijete demobilisanog branioca ( u daljem tekstu: kandidati).

**II Uslov za dodjelu stipendija**

(1) Pravo na dodjelu stipendija po ovom Konkursu **ima kandidat** pod uslovom da:

- a) je redovan student visokoškolske ustanove sa prosjekom ocjena najmanje 9,00 ili je redovan učenik srednje škole sa prosjekom ocjena 5,00,
- b) je u tekućoj studijskoj /školskoj godini prvi put upisao određenu godinu studija, odnosno razreda,
- c) ima prijavljeno mjesto prebivališta na području Tuzlanskog kantona (u daljem tekstu: Kanton), odnosno mjesto boravišta u statusu raseljene osobe na području Kantona,
- d) je prije ostvarenog povratka u prijeratno mjesto prebivališta imao status raseljene osobe na području Kantona,

(2) Pod prosjekom ocjena u smislu tačke a), podrazumjeva se prosjek ocjena koje kandidat mora imati u svim prethodnim godinama, redovnog studiranja/školovanja na visokoškolskoj/ srednjoškolskoj ustanovi koju pohađa, a u slučaju upisa prve godine fakulteta, odnosno srednje škole, pod prosjekom se podrazumjevaju ocjene kandidata u prethodne četiri godine redovnog školovanja.

(3) Pravo na dodjelu stipendija po ovom Konkursu **nema kandidat** koji :

- a) studira na fakultetu u inozemstvu,
- b) ima status studenta - apsolventa,
- c) je korisnik subvencije za smještaj i ishranu u studentskom domu,
- d) je u tekućoj studijskoj/školskoj godini, na istom ili drugom fakultetu/srednjoj školi, ponovno upisao istu godinu studija /školsku godinu,
- e) već prima stipendiju ili kredit po drugom osnovu, i
- f) živi u porodičnom domaćinstvu gdje se ostvaruju mjesečna novčana primanja po članu domaćinstva veća od 50,1% prosječne neto plaće ostvarene u Federaciji Bosne i Hercegovine, u prethodnoj godini, prema podacima Zavoda za statistiku Federacije Bosne i Hercegovine

**III Kriteriji za dodjelu stipendija**

Osnovni kriterij za dodjelu stipendije je prosjek ocjena ostvaren u toku redovnog studiranja / školovanja.

**IV Potrebna dokumentacija**

Uz jednoobrazni zahtjev na konkurs kandidat prilaže sljedeću dokumentaciju u originalu ili ovjerenoj fotokopiji, kako slijedi:

<b>Redni broj:</b>	<b>Naziv dokumenta</b>	<b>Organ koji ga izdaje dokument</b>
1.	kućna lista kandidata u kojoj su navedeni svi članovi porodičnog domaćinstva, ( <i>original ili ovjerena fotokopija</i> ),	Nadležna općinska služba

2.	a) za članove PŠ-PB i RVI kopija prvostepenog ili revizionog rješenja (posljednje rješenje na snazi) b) za dobitnika ratnog priznanja i odlikovanja i dijete dobitnika najvišeg ratnog priznanja i odlikovanja, ukoliko nema status člana porodice šehida, poginulog, umrlog i nestalog branitelja ili RVI ovjerena fotokopija rješenja o ostvarivanju prava na mjesečni novčani dodatak c) za DB i dijete DB dokaz o pripadnosti boračkoj populaciji – uvjerenje o plaćama pripadnika u OS ili drugo uvjerenje koje izdaje nadležni organ odbrane, <i>dokumenti pod a), b) ili c) moraju biti dostavljeni kao original ili ovjerena fotokopija</i>	Općinska služba za boračko invalidsku zaštitu  Odjeljenje odbrane
3.	uvjerenje o redovnom školovanju sa utvrđenim prosjekom ocjena u svim prethodno završenim školskim godinama, a u slučaju upisa prve godine fakulteta odnosno srednje škole prosjek ocjena iz prethodne četiri godine redovnog školovanja ( <i>original ili ovjerena fotokopija</i> )	Javne ustanove srednjeg obrazovanja
4.	uvjerenje o redovnom studiju sa utvrđenim prosjekom ocjena u svim prethodno završenim godinama studiranja ( <i>original ili ovjerena fotokopija</i> )	Ustanove visokog obrazovanja
5.	dokaz o zaposlenju svih punoljetnih članova domaćinstva i visini stalnih izvora prihoda ( <i>fic. tri posljednje platne liste ili ček od PIO penzije</i> )	Organ /ustanova/preduzeće gdje je kandidat zaposlen ili Poslovnica PIO /MIO
6.	uvjerenje iz porezne uprave da kandidat ili punoljetni članovi domaćinstva ne ostvaruje dodatne prihode, ( <i>original ili ovjerena fotokopija</i> ),	Porezna uprava FBiH Ispostave porezne uprave
7.	uvjerenje sa biroa za zapošljavanje za sve nezaposlene članove domaćinstva, a ukoliko se ne vodi na birou za zapošljavanje uvjerenje iz ispostave porezne uprave ( <i>original ili ovjerena fotokopija</i> ),	JU Služba za zapošljavanje, Općinski biro za zapošljavanje, Porezna uprava FBiH Ispostave porezne uprave
8.	izjava da kandidat ne prima stipendiju ili kredit iz drugog izvora ovjerenu od strane nadležnog općinskog organa uprave ( <i>original ili ovjerena fotokopija</i> ),	Nadležna općinska služba
9.	ovjeren dokaz o nekorištenju prava na subvencioniranje troškova smještaja i ishrane u studentskom domu ( <i>original ili ovjerena fotokopija</i> ), za studente koji studiraju na području drugih kantona, a za studente koji studiraju na području TK, navedeni dokaz će se pribaviti službenim putem.	Ustanove za smještaj učenika i đaka (domovi)

#### V Rokovi za podnošenje zahtjeva

(1) Prijave na konkurs, sa potrebnom dokumentacijom, **podnose se Ministarstvu za boračka pitanja Tuzlanskog kantona, Slatina 2. Tuzla (protokol Vlade Kantona),**

(2) Obrazac jednoobraznog zahtjeva kao i spisak potrebne dokumentacije zainteresovani kandidat može preuzeti na/u: web-stranici Ministarstva, općinskim službama za boračko invalidsku zaštitu i kantonalnim boračkim savezima i udruženjima.

**(3) Uz zahtjev se prilaže i fotokopija žiro računa ili štednje knjižice, otvorene kod poslovne banke, na ime studenta/učenika, korisnika stipendije.**

Konkurs ostaje otvoren 15 dana od dana objavljivanja.  
Nepotpuni i neblagovremeni zahtjevi neće se razmatrati.

**MINISTARSTVO ZA BORAČKA PITANJA  
TUZLANSKOG KANTONA**